


日本野史

和書門	類	號	函	架	冊
五九〇	二〇	二〇	二〇	二〇	二〇

內閣文庫	和書	類	號	冊	函
一五九〇	二〇	二〇	二〇	二〇	二〇

內閣文庫	
番號	和 15190
冊數	200(95)
函號	139 3




リ

キ

120



野史卷一百二十八



源忠彦 修



武臣列傳第三十六

吉良貞家

吉良義昭

吉良宣義

富樫泰高

三浦時高

吉良貞家姓源氏足利義氏二男義繼始住吉良東
條是為貞家曾祖父祖父曰經氏父曰經家貞家稱
修理大夫叙從五位下吉良系圖任左京大夫興國四年

為陸奧探題築館于四本松居之與畠山高國相並
鎮陸奧以伐不屬足利氏者松藩正平二年七月貞
家及高國與結城顯朝相馬胤賴伊賀盛光等攻藤
田靈山陷之本朝從是奧州太平屬足利氏通四年
三月貞家率兵伐隸部瀧石飯野五年足利直義與
尊氏有部畠山高國據邑應之貞家率伊達宗朝相
馬胤賴相馬義衡小澤顯行石川高光攻之明年二
月城陷高國父子三人自殺微三月貞家擊北畠顯
信走之又撤結城顯朝守白河關結城十月貞家撤
伊賀盛光等擊顯信于名取郡岩城尋以相馬親胤

伊達行朝田村莊司赴柴田郡通是歲南北講和正
平七年二月貞家以結城朝常伐新國司北畠守親
文陷宇津峯四月北畠顯信復起兵田村伊達等應
之貞家率相馬胤賴國魂隆秀伐之戰于安積郡迭
有勝敗七月畠山國詮屬官軍貞家擊之於田村莊
久野原敗之移檄于四隣索皇子通二十二年因尊
氏命擊大崎治家應永四年五月貞家遺書於結城
朝常賞擊田村功文有子曰滿家宇字三郎任中務大
輔叙從五位下襲父職後因足利氏滿命還鎌倉微
次曰治氏治氏子曰治家稱治部大輔徙居上野飽

間稱族飽間治家六世成高徙采邑於武列世田谷
相列時田遷居世田谷稱世田谷吉良世稱世田谷
殿成高曾孫賴久稱左兵衛佐天正十八年始見
東照宮賜食邑於止總近江之內因命稱族蔣田慶
長十四年三月卒子義祗嗣後世復族吉良氏仕幕
府世列高家吉良家譜
吉良義昭或作義端參河人也姓源氏足利義氏長子長
氏有病讓家於弟泰氏而住吉良西條在幡豆郡號新御
堂玄孫滿貞從足利尊氏迨直義之勅王與尊氏謀
反又與直義歸順與石堂賴房將吉野兵助直義後

遂叛日本史異記住西條家稱西條吉良弟尊義居父
滿義舊址東條在額田郡是為東條吉良祖吉良系圖武德編年集成
滿貞孫義尚義尚子義真應仁中左祖細川勝元應仁
記足利家譜義真子義信應仁元年因大將軍義政命與
權中納言藤原季春俱求和於勝元及諸士而率兵
警衛宮闕國史實錄義真義信並早卒義信子義元
或作義光承曾祖父義尚後義元子義堯有四子長義鄉
稱左兵衛佐天文中戰死于西尾足利家圖次義安繼
東條持廣後次乃義昭季義虎義昭承父後稱左兵
衛督或作兵衛佐天文二十二年今川義元欲伐尾張率

駿遠參師入參河聞東條義安屬織田信秀圍其城
虜義安令義昭徙東條城弘治二年四月義昭竊應
信秀迎入牛窪城主牧野成定于西尾城欲謀圍碓
西尾乃西條也編年集或永祿四年二月義昭令成定族
守西尾以為東條藩屏碓圍碓東照宮遣兵攻之
松平好景松平康定力戰義昭拒戰四月義昭遣富
永景通大河內政綱等攻酒井忠尚于上野城好景
受命使其子伊忠赴救義昭察中島單微縱兵襲之
好景告急自深溝馳援中島追擊至善明丹宮堤斬
獲許多牟呂城兵來救義昭而圍好景好景苦戰鞋

斷鞍廻下騎格鬪義昭反擊好景遂中矢斃其第五
人及從兵皆死軍潰義昭拔中島城解上野圍回兵
宮置戍于津平小牧糟塚令福東條德川記編是月
織田信長使斯波義銀與義昭盟于上野原在參河
編年集
成頃間義昭與弟義虎生部九月義虎掇酒井正親
降于宮與正親發攻西尾城牧野成定棄城走牛
窪正親掇西尾御年譜編
年集或與松平親俊等合謀將伐
東條是時義昭裨將富永景通軍于藤波暇欲攻小
牧寨本多廣孝出寨與正親合兵要戰小笠原長是
自糟塚松井忠次自津平赴援成定亦遣兵助景通

正親先登榑原忠攻為第一槍彼是力鬪死傷者多
成定士須瀨宮內進要正親正親衝以稍斃之景通
時年二十五勇而善鬪率左右三十餘人揮刀奮戰
多擊敵鬪弓嚮廣孝廣孝把槍馳而刺之景通殪餘
兵潰參兵追躡薄城際鼓操陵壁義昭遂乞降于
東照宮實義昭于岡崎尋赦復之編年集成六年十
月一向之亂義昭以東條伴應寇初義昭之降宮
昇津平於松井忠次築塞使忠次守之窺義昭舉動
於是寇徒以義昭為故家推為謀主旦約如得意則
立為國司義昭欲興宗族乃應之忠次與松平家忠

兵攻東條忠次自把槍而進閏十二月忠次及廣孝
屢來攻義昭禦戰不利編年集成七年二月宮攻土
呂寇下之進攻東條忠次為先鋒義昭家士大河內
政綱及秀綱初練義昭應一向寇弗聽政綱守節從
義昭守城屢出奮戰與敵格鬪獲之秀綱亦與僧慶
典戰擊之而義昭寡單無援力屈竟乞降宮遣義
昭再致不許義昭再近江倚賴佐佐木承禎編年集成三
志川八年四月三好笑岸率兵軍芥川搆義昭受大將
軍義輝旨率兵赴戰相拒三日勢竭戰死德川記松
義虎或作義弘又義廣居荒川城稱族荒川稱甲斐
又義等又賴持

守永祿四年與兄義昭不協憑酒井正親降于東
照宮迎正親合兵攻西尾拔之尋正親與忠次廣孝
等擊義昭裨將富永景通東條兵潰義昭降 官賞
義虎以異母妹市場殿妻之 編年集成
大三川志六年冬一向
之亂以荒川應寇正親據西尾屢來攻之 編年集
成逸吏七
年二月寇平義虎棄城犇河內 德川記
年集成編九年五月
客死法名花山洞榮號仙琳院 三河二
葉松有一女二男
子女者市場殿所出元和三年卒 祭名
錄男曰弘綱字
二郎九郎曰家義字平右衛門 翁
草
義安初字三郎承東條持廣後持廣者中務大輔尊

義八世孫醜安栖君信忠女無子 抑營譜畧
國史實錄

○野史氏按江府下四谷勝興寺西尾氏墓碑背
銘云持廣卒吉次幼以西條義堯子義安為嗣後
西條吉良氏戰歿義安併有西條居西尾城吉次
出質織田氏據之考則吉次乃持廣之子也未詳
其實姑附錄考

是故義安繼東條稱上總介 吉良家譜
編年集成天文二十二
年二月今川義元侵伐參河虜義安而歸幽之於藪
田 河在藪義昭義虎奔而後 東照宮怜故家絕召義
安於駿府待以賓客禮任右近衛權少將列為高家

令掌 朝廷文官事編年集成子義定嗣稱上野介義定

子義彌慶長十三年冬叙從五位下任侍從兼上野

介候東府掌京師官階應接事與大澤基宿兼領烏

實錄武家補任歷正五位下進從四位下左兵衛督左近衛

權少將寬永元年轉中將固辭不拜家譜補任義彌子義

冬嗣任侍從兼若狹守累遷從四位上左近衛權少

將改左京大夫家譜補任義冬子義央

義央初字三郎明曆三年冬任侍從兼上野介遷從

四位上左近衛權少將家譜補任自父祖而來世掌 朝

家禮典官位超衆幕府倚重義央承職歷年驕泰慢

侮羣侯承饗使者間雖恨恚以其任之重且事係

朝廷皆抑憤勤元祿十四年春依例 天使赴東府

赤穗城主淺野長矩等為饗應司長矩剛勇智淺構

恨于義央三月十四日 常憲公御白書院親自答

勅旨義央嘗管事長矩與義央遇營中遽揮佩刀斫

義央烏帽子中頭血流義央眩惑無意抗敵揭手擁

面俯長矩再擊中其背事發遽卒營中騷擾持梃川

與三兵衛馳至從長短後撐柱之品川伊氏扶義央

起事聞長矩坐賜死二十六日義央病免職命治傷

俟愈起視事如故而衆皆以義央前倨而後怯也幾

笑之不已十二月義央子上杉綱憲為稱疾請免聽
之明年十二月十四日夜半長矩遺臣大石良雄等
四十七人圍義央于本所邸悉內且呼曰故內匠頭
長矩舊臣以報主讐來義央家人格鬪者皆伏刃下
其餘多藏匿不出義央脫匿炭房遂發見從士二人
拒戰其一逆衆奮戰以死一人走向光興捕義央以
槍突時義央著鎧在中衆初識為義央使擒者視之
果信衆抃躍赤穗義人傳錄義央時年六十二武家補養任家譜
孫義周為嗣義周上杉綱憲二男稱左兵衛佐元祿
十四年冬繼家十六年二月四日令荒川定昭等携

義周到府廳命曰義周見父遇殺不能殊死赴救為
子無狀坐處流于高嶋沒收食邑義人錄
吉良宣経土佐人也姓源氏其先出於左馬頭義朝
義朝第五子希義平治亂流于土佐氣良東鑑作因
所居稱氣良冠者子孫以為族稱焉日本史系圖○
初賜朝宿地於參列蓋後世改氣為吉字世居弘因
吉良因以為族云吉良峰城在土佐高岡郡大野郡希義十七世宣経土佐軍記
稱伊豫守為人温和聰敏屈氣從諫文不委靡質不
鄙野國郡整理諸士心服學於南村梅軒夙夜黽勉
以通書義嘗訓其子曰明主有四得得己而後得取

人得時而後得勝敵智到遠制敵故克永保其邦家
暗主有四失失時而後失勝敵失人而後失自己昏
到近忘已則貽戮辱於後昆爾其明暗之分不可不
辨也乃麾諸士評定法令十數章又選軍律載在古
記天文十八年冬深雪夜會谷將監家收謀臣論計
策時天下板蕩故有并吞四列戡亂之志二十年九
月伐長曾我部國親會稿作得疾陣中而歸卒年三
十八會稿子宣直稱駿河守繼父嗜禪空耽閑散而
不能勤勵政事嘗欲薙髮緇衲以持戒從祖父宣義
字右近水強方正好學多才君臣顯做戒猶良朋悃

悃切磋情意歡協嘉謀善算諫曰往日平相國北條
徒為侵跋扈悖逆之罪怖天之昭臨怕神之罰殛欲
憑佛護以禱殃禳災是躔蕭衍劉裕之蹟而已今居
侯位擬浮屠便非明倫正名之義為誕不歸其事乃
止宣義預慮方命而圯族懈惰而覆宗日以為憂直
諫不休宣直稍疏小臣覘罅讒間曰先君病革時彼
勸廢長立幼豈無違禮不祥乎其意欲自擅非為國
而計也衆口鑠金積毀銷骨未遑覈真偽大怒譴責
宣義將墜不測之罪辭色自儿儿既所竄極每晨拜
先主影永祿五年春不食累日竟死會稿明年三月長

曾我部元親攻弘圀城宣直防禦叵歛棄城奔讚岐

長元物語 元親分兵攻陷麿城宣義子求馬死之會稿

元親使弟親貞冒族吉良氏守中村城天正四年歿

其子親實襲族稱播磨守天正十四年十二月伐薩

摩戰死于豐後族遂絕秦山集長元物語

富樫泰高或作安高今加賀人也姓藤原氏出自鎮

守府將軍利仁利仁七男叙用任齋宮頭是為齋藤

一流之祖叙用孫忠賴任加賀守系圖作加賀介忠

賴孫宗助稱富樫介子孫分為齋藤林富樫三家領

在加賀越前庶流進藤赤塚竹田加藤等繁衍北道

富樫氏世襲加賀守護職宗助曾孫家通入道號佛

西屬木曾義仲有功于越前越城家通子家經字二

郎大將軍賴朝授加賀守護家經子家直承久亂有

軍功家直子泰家弘安中鎮平北道泰家子泰村泰

村子昌家建武亂屬足利尊氏富樫正平二十一年

十月與山名佐佐木氏等攻尾張入道於越前南山

錄引太明德中山名亂昌家戰死泰高襲封稱富樫

介遭病告老令泰成繼家泰成稱中務大輔病死于

京師格本書作文明泰成子政親年尚弱部下載危

其軍弱泰高病稍愈永享四年憑細川勝元請再執

家國事諸老憑畠山持國愬立故親政於是幕府命使

政親繼家因茲泰高政親有部富樫文安三年九月

泰高與龜幢丸爭戰死者數百人東寺過帳文安四年

五月泰高與任教親淨守護職細川勝元援泰高畠

山持國左袒教親命分一列領焉南方記傳續史餘論

○醍醐雜抄云富樫香幢丸自幼仕西向殿前將軍母

西向殿卒而後仕幕府為加賀守頗有威及幕府

繼立忤旨自燒第宅遁居吉野山醍醐寺僧隆源

託書及歌於修驗行者贈焉行者尋探山中不知

其處○今按童字香幢龜幢又教親政親明德三

年相國寺供養記載富樫介滿成永享以來御番
帳載富樫介持春列相伴衆二郎教春列一番衆
未詳家系猶當考

長祿三年九月赤松政則得封加賀半列政親憤恚

減食封發兵拒禦接戰數回政則不得入國就伊勢

貞親愬之大將軍義政諭政親罷兵國史實錄應仁元年

政親率兵五百援細川勝元文明中侍大將軍義尚

足利家譜頃年本願寺蓮如迴歷北陸誘動其徒頑愚土

民信服者多羣集樹黨造立道場又高田宗徒宗徒通

其法分黨毀宗意迭相訟獄政親斷之同高田徒之

言為是或云改親妻者尾列熟田大宮司友平女也
播紳家養以妻之長享亂妻氏歸尾列再嫁高田專
修寺於是本願寺徒憤罵指守護曰法敵也嘯集起
兵改親將伐平之長享元年八月大將軍義尚伐佐
佐木高賴次鈎里改親率兵從之與武田某為軍奉
行近侍幕下竊請曰加列土民恣建寺塔專修佛法
不稅不賦結黨成羣陵守護法屢起土兵專掠奪國
勢不肅願賜教書於越前越中國人戮力鎮平土寇
義尚許諾乃下教是冬十二月改親就國捷石川郡
高尾城國人等倚賴山河參河守陳謝乞哀參河亦

諫不聽於是沼碕

或作洲碕

和泉入道慶覺河合宣久為

魁酋聚集土寇捷久安寨越前國人堀江景用受教
命來援長享二年五月土寇聞景用等來援急起改

親

或作泰高

率兵二千屯野市大奈寺土寇分河北一隊

捷俱梨伽羅笠野松根寨備越中口江沼一隊自越
前口屯敷地福田分隊侵掠諸處又劔白山衆徒二
千自諏訪口沼碕慶覺及正末兵一萬自久安笠間
家次兵七千自野市馬市安吉家長倡河原兵八千
自額口山本圓正入道兵一萬自山玉林高橋新左
衛門兵五千自能美郡土寇總五萬餘發喊合圍高

尾城六月七日土寇自額口進登壁城兵本鄉春親
等禦戰死者多政親期死裂酒甕燕飲縱婦女丹脫
去兵卒或死或走政親自督三十餘人奮戰力闖入
城自殺年三十四本鄉駿河守等三十人皆殉縱火
城陷富樫記是日晚景用率兵一千南江某兵五百杉
若藤左衛門兵三千推志比笠松為隊長從國境立
花入縱火干郡邑將藉陣地寇酋安藤定治金森玄
英入道了然兵五千餘分作五隊願正入道為前鋒
據大聖寺山景用進與戰而不利退保立花口聞政
親已死收兵而去富樫記加永正三年八月高田徒

大募其門徒于勢尾參三列令桑子妙源寺為隊長
侵伐越前與本願寺徒大戰于九頭河邊本願寺徒
長備後公昭賢死之高田徒進入加賀不利而去富樫
元亨祿四年泰高本書如此疑植猶存領加賀半列
是年本願寺屬下間賴秀弟賴盛入加列募土寇戰
爭數回寇勢益熾泰高及黑瀨福田松永隅田今湯
淺等棄壁而走本願寺徒蔓行國中泰高父子走越
前倚賴朝倉氏天文三年募兵入加列戰敗復奔越
前天文四年五月十一日泰高為土寇自殺號泰雲
寺富樫氏初天治四年三月八日為加賀守護迄長

享二年失鳥子泰俊稱富樫介憑溝江長逸居越前
金津城天正二年二月長逸為土寇所攻自殺泰俊
父子亦自殺富樫記

○宣胤記云明應六年雜狀載侍從大納言實
隆八月十九日文云慈親院持分大野郡内田野
村知行分之處慈親院存生之時兩三年運輸云
又云慈親院跡未通音問云云或有知誠院慈顯
者皆富樫氏世系之中歟未詳

前野長康富樫介支族也

○中興武家盛衰記云加賀富樫介重純文治元

年坐源義經事藉没而後義經招之陸奥靖藤原
秀衡予食田更族前野氏稱勝九郎長康者其七
世之孫也

初字喜太郎改稱勝右衛門自陸奥加尾張筮仕羽
柴秀吉從賤嶽有功賜但馬出石城食邑三萬石臣豐
家譜中興武家盛衰記秀吉拜關白而後叙從五位下任但馬
守武家補任中而仕關白秀次文祿四年及秀次敗
死長康亦坐没食邑命補任豐中村一氏幽之臣家譜秀吉
薨而後東照宮召祿改族稱坪内字惣兵衛賜食
邑六千石或作一子利之孫利定相繼仕幕府子孫

相襲世祿

中興盛衰
記姓氏傳

三浦時高相摸人也姓平氏三浦義明曾孫盛時任

左衛門尉三浦泰村亡而後為三浦介叙從五位下

平氏盛時八世高明子時高襲為三浦介南方記傳
國史實錄

永享十年足利持氏發師使時高為錦倉留後時高

辭曰兵革連年臣食邑削士卒乏何當其任乎強之

為留後意竊謂褻祖大介而來世積功勞至是時為

他人被掠奪懷不平會幕府傳命追伐持氏十月時

高反歸保三浦記傳相列
兵亂記遣兵焚大藏谷大掛記傳十

一月時高及二階堂援上杉持朝入鎌倉大藏守兵

寡單義久及滿貞遁走扇谷記傳
宿向時高率兵侵入

大庭接戰持氏屬藥田河內守出羽守名塚左衛門

尉河津三郎等皆拒死士卒闌入掠奪資財時高被

官佐保田豐後守制止而罷記
兵亂時高累世為巨豪

家聲頗張壯而未有嗣養上杉高教子為嗣是為義

同而晚年舉一男子名高教竊欲廢義同而立之羣

臣或諫弗聽謀殺義同義同去入相列總世寺為僧

三浦臣庶慕之赴屬者多大森實賴為義同外叔箱

根別當亦相親暱相偕借兵助義同明應二年遂起

兵時高嬰新井城挑戰三年九月義同率其黨夜襲

兵時高嬰新井城挑戰三年九月義同率其黨夜襲

新井城衆壁發喊梅澤人中村民部少輔馳呼曰對
父牽弓八逆罪人汝等運命忽斷耳喻女婢窺隙擊
兒脫走而戰死事發不意時高不能拒而自殺成氏軍記

實錄法名聖方系圖

義同本名高行武家譜勇銳挫人古今人物志明應三年九

月成氏軍記作成時高於新井城併有三浦地永正

八年攘新井城於子義意而自修固碕城居烏削髮

號道寸固碕之地險穰且足為義意娶上總人真里

谷某女以為外援意欲略武相而苟不背上杉氏命

會北條早雲欲併三浦鈔領豆相二列陽示柔弱未

與抗衡實錄道寸嘗渴望四位少將兼陸奥守請之於

足利成氏詠和歌送之曰於以乃那美與類與類於

母比都都致禮婆武曾志能勢伎毛南哥伐那里計

梨成氏恫為靖京師叙從四位下任陸奥守子義意

叙從五位下任彈正少弼鹽死

○野史氏今按鹽尻古河御所為執奏其素望而

叙任然未見拜少將姑考其詠歌之情似壯年之

秋所詠未詳為何年月

九年八月北條早雲起兵來圍固碕城禦戰不利道
寸逃入住吉城又走保新井城初早雲屢來圍攻或

戰于錦倉據秋谷之險隘早雲轉踰小坪長坂黑石
佐原山等急來逼道寸不利而退據新井城與子義
意俱固禦不撓政氏軍記關東兵亂記上杉朝興聞三浦急謂
三浦如陷則勢下不完矣乃率兵到相列中郡為之
後援早雲曰先則制人急率兵與朝興戰于中郡自
印至未牌朝興終敗走于江戸三浦城中食竭兵亂記
三浦新井城地以三十餘町為境東面連陸三面皆
海白浪洗岸羊腸山坡巖崖高聳有巖窟號千馱槽
多蓄糧穀以為之備道寸雖至剛勇智每戰士卒死
傷勢力漸衰早雲築對壘攻之三年截糧路兵食竭

早雲加兵來逼大森泰賴等諫曰請避兵於上總而
謀再舉道寸掉頭曰自曩祖而來世有此城未曾為
他有者皆咸知之寧死豈避去邪我今熟思義父時
高執持氏我亦戰時高叛君逆父罪不可逭矣斯天
喪我雖何之曷得能免乎惟竭糧竭勢窮而死耳日
夜設醮與士卒飲燕政氏軍記關東兵亂記十五年兵亂記盛衰
作五月十七日早雲來攻最急道寸及義意家人大森泰
賴佐保田河内守其子彦四郎三須參河守等百餘
人突歃血戰斬戮者多道寸與神谷知重相搏馬上
抽知重首城兵大半死傷道寸竟自殺義意相之政氏

軍紀道寸嗜和歌又能書受古今集秘願於東常錄
實錄道寸嗜和歌又能書受古今集秘願於東常錄
平日有餘力則詠和歌志人物子義意初字荒二郎任
彈正少弼叙從五位下有膂力身長七尺五寸多鬚
大骨剛勇善鬪追敵薄城奮鬪斬敵者多入城相父
自殺再揮鐵棍歐却敵敵畏縮遠射義意徐立城門
對敵自到時年二十一歷日不瞑久能總世寺僧一
夜坐禪詠歌云宇都都止母由免止母志羅奴比登
彌武里羽幾與乃比末乎阿計保能乃曾良忽瞑肉
膚作白骨云軍改氏

○豆相記關東兵亂記並云三浦荒二郎與早雲

接戰歷年不決每歲六七月自三浦攻入小田原
而回時必避暑于馬生河邊士卒入水泳游水汗
馬早雲橫槊潛兵而不出三浦士卒益解明年三
浦兵來攻縱火掠田圃早雲不出故三浦兵張宴
于河邊於是早雲以脫免襲三浦甲三浦甲浦甲張宴
棄戟矛遺弓矢而敗北四維荒二郎不退終死之
早雲効其首不瞑乃葬首於修禪寺寺僧詠歌云
宇羅耶麻之布太多斐差女奴比止願年梨以知
吳迺比萬字安計本能乃曾良乃瞑

野史卷一百二十八終

